

198. LEONTODON.

Calyx polyphyllus, foliolis subimbricatis, aut paucis brevibus appressis calyculatus; semina radii et disci, pappo plumoso, sessili, coronata.

1. LEONTODON *tuberosum*. Linn.

L. Foliis runcinatis, scabris: calyce acuto, hirsuto: scapis unifloris.

Hab. prope *Grandola* in Transtagana. Flor. vere. Peren.

Ex Cl. Link.

199. THRINCIA.

(*Roth.*) Calyx sæpius octangulus, rarius decangulus, polyphyllus, calyculatus; foliolis calyculi brevibus, appressis: semina radii truncata, coronâ paleaceâ multidentatâ terminata, calycisque foliolis involuta; disci pappo plumoso prædita, centralia stipitata: receptaculum subalveolosum.

1. THRINCIA *grumosa*.

T. Radice fasciculata: scapis unifloris: foliis runcinatis, hirtis, pilis bifurcis, trifurcisve: calyce sæpius piloso, subtoruloso. *Broter.*

Hab. in agris subarenosis, ad vias, aggeres circa
Co-

Conimbricam, sed infrequentior subsequente. Fl
hyeme, vere, et interdum Julio. Peren.

Radix nunc fusiformiter sese in terram trudit, sensim, inter radículas filiformes, nonnullas (duas ad sex) crassiores, oblongo-tuberosas, aut etiam fusiformes, semper longis filis terminatas, laterali-ter ferens; nunc paulo infra ejus collum, seu cau-dicem descendentem crassum, radices tres ad quin-que fasciculatas, uti Ranunculi quidam, profert, quarum quælibet collo communi valde crassior, aliæ subglobosæ, aliæ napiformes aut fusiformes, aliæ ovales, ut in Asphodelis, aut etiam valde oblon-gæ, semper filo longo terminatæ, apice et basi an-gustiores: crassitudine variantes pro soli conditio-ne; in solo raro graciliores, in arenoso-calcareo fe-re digiti minimi crassitudinem adpiscentes: plus minusve putrescunt quotannis, aliæ novæ ex ipsis pullulantes, atque etiam, in solo pingui, ex unius in-dividui una plures, perinde ac Ranunculaceæ sese habentes. Folia omnia radicalia quatuor ad sex un-cias longa, septem ad quatuordecim lineas superne lata, runcinata semper in omnibus individuis, quæ observavi, obtusiuscula; laciniis lateralibus inte-gerrimis, versus basin curvatis, superne ad oras, et subtus ad costam hirta, pilis bifurcis aut non-nullis trifurcis, saturate viridia, basi in petiolum attenuata. Scapi plures ex eadem radice, filifor-mes, sulcati; præsertim infra medium pilis fur-catis adpersi, foliis paulo longiores, uniflori, squa-mis nudi, rarissime autem pilis. Calyx sæpius oc-tophyllus, et pilosus, rarissime glaber, torulis sulcisque octo, rarius decem, basi foliolis paucis, inordinatis, adpressis, calyculatus; ante florescentiam nutans. Corolla composita lutea, mediocris. Semina intermedia disci interdum pappo sessili plumoso, centralia stipitato, coronata.

Plan-

Planta inter Botánicos nimis dubia : sæpius pro varietate Leont.-hirti Linn. , nonnunquam etiam pro varietate Leont.-tuberosi ejusdem Botanici habetur.

2. THRINCIA *hispida*.

T. Radice simplici , fibris non incrassatis : scapis unifloris : foliis oblanceolatis , sinuato-dentatis , hispidis , pilis furcatis : calyce subtoruloso.

Hab. frequentissime cum præcedente , et in tota fere Lusitania. Flor. hyeme et vere. Ann.

Thrincia-hispida Cl. Roth. Catal. Bot. p. 99.

An Hyoseris-taraxacoides ? La Marck. Dict. Bot. ?

Variat scapo et calyce nunc glabris , nunc pilosis. Sat similis præcedenti , sed differt radice annua , non fasciculata , foliis nunquam runcinatis , seminibus disci intermediis sæpius pappo stipitato instructis.

200. PICRIS.

Calyx polyphyllus , breviter calyculatus , calyculi foliolis interdum laxis : semina transversim striata : pappus sessilis.

1. PICRIS *hieracioides*.

P. Foliis scabris , integris : pedunculis squamatis in calycem. *Linn.*

Hab. in Beira ex *Agueda* ad *Durium* , frequens ad sepes , sylvas , pomaria , in Lusitania boreali. Fl. Julio et Augusto. Peren.

Caulis sesquipedalis et altior , ramosus , angulosus , pilis scaber. Folia alterna , lanceolata , sessilia , amplexicaulia , scabra , undulata , denticulata : calycis foliola laxa , lanceolata , scabra.